

К ОПУБЛИКОВАНИЮ

КОМИ РЕСПУБЛИКАСА ЮРАЛЫСЬЛӨН ИНДӨД

**«Коми Республикаса Юралысьлөн Администрация йылысь»
Коми Республикаса Юралысьлөн 2016 во вöльгым тöлысь 1 лунся 130 №-а
Индөдö вежсьöмъяс пыртöм йылысь**

Шуа:

1. Пыртны «Коми Республикаса Юралысьлөн Администрация йылысь»
Коми Республикаса Юралысьлөн 2016 во вöльгым тöлысь 1 лунся 130 №-а
Индөдö вежсьöмъяс содтöд серти.
2. Тайö Индöдыс вынсялö 2025 вося тöвшöр тöлысь 1 лунсянь.

Коми Республикаса Вескöдлан котырöн
Юрнуöдысьöс вежысь – Коми Республикаса
удж, уджöн могмöдан да социальнöя дорьян министр

Е. Грибкова

Сыктывкар
2024 вося вöльгым тöлысь 22 лун
140 №

«Коми Республикаса Юралысьлөн Администрация йылысь»
Коми Республикаса Юралысьлөн
2016 во вöльгым тöлысь 1 лунся 130 №-а Индöдö пыртöм
ВЕЖСЬÖМЪЯС

«Коми Республикаса Юралысьлөн Администрация йылысь» Коми Республикаса Юралысьлөн 2016 во вöльгым тöлысь 1 лунся 130 №-а Индöдын:

Коми Республикаса Юралысьлөн Администрация йылысь положениеын, мый вынсьöдöма Индöдөн (1 №-а содтöд):

1) 1 пунктын «Коми Республикаын муниципальнöй служба» кывъяс водзö содтыны «Коми Республика мутасын йöзöс юöртан средствояс, юөр сетан да йöзöдчан удж,» кывъяс;

2) 7 пунктö содтыны татшöм сюрöса 6¹ да 6² пунктувъяс:

«6¹) лöсьöдны Коми Республикаса олысьясöн йöзöс юöртан средствояс пыр социальнöй тöдчанлуна юөр босьтöм вылö условиеяс;

6²) лöсьöдны йöзöс юöртан средствояс да йöзöдчан удж сöвмöдöм вылö условиеяс;»;

3) 8 пунктын:

а) 61 пунктыв гижны таdzi:

«61) урчитöм пöрадокын збыльмöдö Коми Республикаса торъя канму учреждениеяс учредитысьлысь могъяссö да уджмогъяссö содтöдын индöм лыддьöг серти;»;

б) содтыны татшöм сюрöса 65¹ пунктыв:

«65¹) йöзöс юöртан средствояс, юөр сетан да йöзöдчан удж юкöнын:

а) котыртö йöзöс юöртан средствояс юкöнын йöзлы тöдчана проектяс творческöя бöрийöмсö да нуöдö найöс;

б) котыртö йöзöс юöртан средствояслөн удж да йöзöдчан удж юкöнын конкурсяс, выставкаяс, ярмангаяс, семинаръяс да мукöд мероприятие да нуöдö найöс;

в) лöсьöдö йöзöс юöртан средствояс йылысь мыччöдъяслысь ассьыныс база, кодъяс збыльмöдöны ассьыныс уджсö Коми Республика мутасын;

г) чукöртö печатнöй прöдукциялысь быть колана экземплярсö, сійöс пасйö да босьтö учёт вылö, могмöдö сійöс видзöмсö да сыөн вöдитчöмсö;

д) котыртö социальнöй нырвизя абу коммерческöй организацияслы, кодъяс збыльмöдöны Айму дорйысьяслысь да политическöй репрессияяс улö веськалöмаяслысь паметсьö нэммöдöм серти удж, Коми Республика республиканскöй сьöмкудйысь субсидияс сетöм серти уджсö;

е) котыртö юридическöй кывкутысьяслы (канму (муниципальнöй) учреждениеяс кындзи), ашшөр уджалысьяслы, торъя йöзлы, кодъяс лöсьöдöны, паськöдöны да лыдмöдöны ЙЮС (кодъясöс учредитысьясöн (öтув учредитысьясöн) лоöны Коми Республикаса оланпас пыртысь да (либö) олöмö пöртысь власьт органъяс) öтйöза да канму интересьяскöд йитчöм темаяс серти материалъяс, Коми Республикаса республиканскöй сьöмкудйысь субсидияс сетöм серти уджсö;»;

4) 10 пунктö сoдтыны татшöм сюрöсa 12¹ пунктув:

«12¹) бoсьтны печатнöй изданиeяслысь быть колана экзeмплярьяссö найöс вöчысьяслысь оланпастэчасöн урчитöм пöрадокын;»;

5) 12 пунктса 3 пунктулö сoдтыны татшöм сюрöсa «и» пунктув:

«и) йöзöс юöртан средствояс, юөр сeтан да йöзöдчан удж сöвмöдан юалöмьяс сeрти;»;

б) сoдтыны тайö вeжсьöмьяс дорö сoдтöдын индöм сeрти сoдтöд.

«Коми Республикаса Юралысьлӧн Администрация йылысь»
Коми Республикаса Юралысьлӧн
2016 во вӧльгым тӧлысь 12 лунся 130 №-а Индӧдӧ
пыртӧм вежсьӧмъяс дорӧ
СОДТӦД

«Коми Республикаса Юралысьлӧн
Администрация йылысь положение дорӧ
СОДТӦД

Коми Республикаса канму учреждениеяслӧн,
кодъясӧс учредитысьлысь могъяссӧ да уджмогъяссӧ збыльмӧдӧ
Коми Республикаса Юралысьлӧн Администрация,
ЛЫДДЬӦГ

1. «Коми йӧзӧдчан керка» Коми Республикаса асшӧрлуна учреждение.
2. «Комииинформ» Коми Республикаса асшӧрлуна учреждение.
3. «Республика» газет редакция» Коми Республикаса асшӧрлуна учреждение.
4. «Автохозяйство» Коми Республикаса канму сьӧмкуд учреждение.
5. «Комфорт» Коми Республикаса канму сьӧмкуд учреждение.
6. «Коми Республикаса ӧтйӧза палаталӧн олӧмӧ пӧртысь дирекция» Коми Республикаса канму казённой учреждение.
7. «Коми Республикаса Юралысьлӧн Администрациялысь уджсӧ могмӧдан шӧрин» Коми Республикаса канму казённой учреждение.».